

CONVENIO DE COLABORACIÓN ENTRE A AXENCIA DE TURISMO DE GALICIA E O CONCELLO DE MEAÑO PARA A SUBSTITUCIÓN DE PANEIS INFORMATIVOS TURÍSTICOS NO CONCELLO DE MEAÑO

O xerente de Turismo de Galicia

DECLARA:

Que esta Axencia Turismo de Galicia formalizou co Concello de Meaño o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2026.

Que o instrumento convencional ten por obxecto establecer as bases de colaboración entre a Axencia de Turismo de Galicia e o Concello de Meaño para a substitución de paneis informativos turísticos no concello de Meaño.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia Turismo de Galicia, en virtude do disposto no artigo 9 dos seus estatutos, aprobados polo Decreto 196/2012, do 27 de setembro, é a entidade pública instrumental do sector público autonómico de Galicia á que lle corresponde o impulso e execución da política turística da Xunta de Galicia en relación coa promoción da calidade e a innovación, o desenvolvemento, mellora, información e difusión do sector turístico galego, potenciando a devandita oferta, mediante a comercialización, información e difusión do produto turístico da Comunidade Autónoma de Galicia.

Para lograr esta finalidade a Axencia Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.

Segundo.- O Concello de Meaño, situado na comarca do Salnés e cunha poboación aproximada de 5.258 habitantes, constitúe un territorio cunha crecente relevancia turística dentro das Rías Baixas, especialmente vinculada ao enoturismo, á paisaxe



vitivinícola e aos recursos culturais e naturais da comarca. O concello ofrece unha experiencia turística única nas Rías Baixas, combinando historia, natureza e tradición, con paisaxes impresionantes, rutas de sendeirismo, igrexas románicas e gastronomía local.

O municipio forma parte da Ruta do Viño Rías Baixas, sendo un territorio caracterizado pola presenza de viñedos, adegas e un importante patrimonio etnográfico ligado á cultura do viño. Ademais, o concello conta cunha rede de rutas e itinerarios que permiten descubrir o patrimonio natural, paisaxístico e cultural do territorio.

Neste contexto, a existencia dunha infraestrutura de información turística clara, accesible e actualizada resulta fundamental para facilitar a orientación das persoas visitantes e mellorar a interpretación dos recursos existentes.

Entre os elementos de interese destacan:

- Ruta do Padre Sarmiento (que discorre nun tramo de Meaño)
- Ruta de sendeirismo do Río da Chanca, que conta co distintivo bandeira azul.
- Ruta das igrexas e das capelas de Meaño.
- Ruta dos miradoiros.
- Pazo de Lis, Museo da Muller Labrega.
- A paisaxe vitivinícola característica do Salnés.
- Patrimonio rural e etnográfico asociado á actividade agrícola.
- Igrexas parroquiais e outros elementos do patrimonio cultural.
- Espazos naturais e áreas de especial valor paisaxístico.
- Moitas destas rutas son empregadas por visitantes atraídos polo turismo enolóxico, o turismo rural e as actividades vinculadas á natureza.

O obxecto da actuación é a substitución dos paneis informativos turísticos existentes no Concello de Meaño, mediante a instalación de novos soportes máis resistentes, sostibles e adaptados ás necesidades actuais de información turística.

Prevese a instalación dun total de 32 paneis informativos, distribuídos en distintos puntos estratéxicos do municipio.



A actuación contempla a instalación deses 32 paneis informativos fabricados en plástico reciclado de alta calidade, deseñados para garantir unha elevada resistencia e durabilidade.

Dimensións dos paneis:

- Altura: 2,10 m
- Ancho: 0,90 m
- Parte traseira: 1,15 x 0,95 m

A parte traseira estará recuberta por unha banda cunha tapa de cortiza, favorecendo a integración estética no entorno.

Os paneis instalaranse en diferentes puntos do Concello de Meaño, situándose en espazos de tránsito turístico, accesos a núcleos de poboación e lugares de interese patrimonial ou paisaxístico de tódalas parroquias: Meaño, Dena, Covas, Xil, Padrenda, Lores e Simes.

Todos os paneis instalaranse en vías e espazos públicos de titularidade municipal, polo que o Concello dispón das competencias necesarias para a execución da actuación.

A actuación permitirá:

- Mellorar a orientación das persoas visitantes.
- Facilitar a interpretación dos recursos turísticos.
- Homoxeneizar a sinalización informativa existente.
- Mellorar a imaxe turística do municipio.

Así mesmo, esta actuación contribúe a reforzar a integración do municipio nas dinámicas turísticas da comarca do Salnés e do conxunto das Rías Baixas.

En definitiva, a substitución dos paneis informativos permitirá mellorar significativamente as infraestruturas de información turística do Concello de Meaño, renovando elementos existentes por outros máis sostibles, resistentes e adaptados ás necesidades actuais.

A instalación dos 32 paneis informativos contribuirá á posta en valor do territorio, á



mellora da experiencia das persoas visitantes e ao fortalecemento da oferta turística municipal.

Que a través deste convenio, outórgase ó Concello de Meaño unha subvención directa en virtude do disposto no artigo 19.4 c) da Lei 9/2007, do 13 de xuño, de subvencións de Galicia, polas razóns de interese público, social, económico e humanitario expostas nos puntos anteriores que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela

O xerente de Turismo de Galicia

Antonio Casas Calviño

